

沅
湘
耆
舊
集

沅湘考舊集卷第七十二

新化鄧顯鶴湘皋編輯

長沙毛國翰青垣校訂

楊文敏超曾二十首

超曾字孟班武陵人弱翁元孫父綬有賢行教五
子皆登科甲超曾康熙乙未進士改庶吉士授編
修雍正初入值南書房授陝西學政晉司經局洗
馬升左春坊左庶子調順天學政晉侍講學士升
順天府尹總督倉場旋授刑部侍郎乾隆初出爲
廣西巡撫升兵部尙書總督兩江入爲吏部尙書
父艱回里以毀卒 予諡文敏有集十六卷公生

有異稟爲文伸紙疾書不假凋飾通籍後益勤學
問迴翔禁鑿清約自守砥行礪節風采隱然自以
先世在明季勞而得謗受禍獨慘其從祖曾作孤
兒顓天錄公充明紀綱目總裁遂據以入告乞

恩昭雪語極沈痛久歷封疆凡所建樹朝野翕然
識者謂其於 本朝不失爲名臣於楊氏不愧爲
孝子詩亦有風格集未見僅從常德文徵採掇數
首存之

風雨舟行

江行四五日北風中宵至遲明促揚帆風便涉川利俄聞
迴嘉魚失喜猶夢寐寒飈捲積雪駭浪撼厚地山將欲岸

度天與陰雲墜漁船互上下曾網分鱗次感此故鄉樂蕭
然遠情寄何當報國餘仍理扁舟意

將赴冀州由大陸澤入滏陽河泛舟

平生江湖興未厭波浪惡馳驅燕趙區舊遊付冥漠積水
浩漫漫一葉從飄泊翻思泛沅湘芳舟舉杜若大陸過澤
水禹功赫如昨及茲歎汪洋轉慮缺疏鑿覆鬴九河一北
播跡豈削納澤連洶湧漲舟互寥廓此方故巨浸屏翳更
凌虐秋來遭震蕩巢窟失依託禾黍沒洪流雁鳧飛且落
極目感瘡痍詎戀舟楫樂側聞發粟詔已見甦民瘼庶
用紓殷勤鼓柁艤近郭

上親詣太學四首

重道文明代乘春燕喜時仗移雙闕曉輦度百花隨旭日
承芝蓋微風引翠旌辟雍遙在望極目鬱參差

搖曳鸞旌駐從容玉趾臨登堂森禮器入室契宸心樽
俎親三獻雲韶會八音無言虔奏格誠敬想神歆

精一虞廷秘修齊戴記傳皇躬膺道統聖學啟經筵
滿貫風行地昌明日在天期門咸拱聽濟濟肅班聯

考古崇文教虞庠首擅名太牢聞漢典賁鼓憶周京訪道
紆軒駕陳詩起頌聲池邊芹藻綠睿賞亦怡情

新居

地僻軒輿少官閒卷帙親討論銷日月驅逐謝風塵圭竇
容蕭散巖廊卽隱淪眼看秋向暮愛菊佩堪紉

重九後五日夜對月

年年今夜月偏照異鄉心爲問雲天外姮娥秋憾深露零蟾有淚風迴桂無音嘹唳飛鴻度閑愁自不禁

袞斜道中

千尺連雲磴雄奇自古傳石開微有地峯合更無天車馬迷襄野樓臺俯漢川重關天險在燒絕自何年

環珠廟江閣酬周穆門

危樓凌漢埃復此暫居停月憶來時白山從去後青人煙凝晚靄船火散疏星綠水過清絕還令郢客聽

范陽謁張桓侯廟

熊虎威同震西鄉武最揚塵埃識祠宇矛戟儼戎行國勢

瀟湘耆耆集卷之十一
主
巖叢柱天心漢臘荒祇應靈爽近朝夕待樓檠

恭和 御製登盤山天成寺江山一覽閣作原韻

盤山紆鬱京東北是日秋高氣象分 萬乘迴從天上出
三呼都向谷中聞承車錦石芳菲遍入仗遙峯紫翠紛祇
有微忱慚獻可卷阿翹首矚仙雲

恭進南苑大閱詩

聖主乘閑百度施仲冬講武協天時六軍按隊千官集七
校聯鑣萬騎馳雪霽平原清玉輦雲開別苑駐龍旗紹庭
繼序 皇心切先向元靈肅禮儀

接家書

頗怪雙魚竟窅然晚檐忽聽鵲聲傳松清茆屋秋風裏水

落漁槎夜月邊適性自宜同野鶴歸期誰數到寒蟬蒼茫
遠望無邊意日送飛鴻是遠天

過喬口

三十年前記此經弱齡初著一衿青菜花黃處頻關眼卮
酒濃時每罄瓶自入樊籠身役役有懷鄉國水冥冥片帆
風送曾遊地會見霜鬢映浦汀

霜葉次韻

浪說扶桑碧海東祇今照曜滿林中光連夜燒尋常見色
借晴霞掩映工鶯蝶不勞娛茂晚風霜相助老秋空明年
珍重西山約醉把還須倚酒紅

胡宜黃虞繼

六首

虞繼宇所緒號芝廬湘潭人康熙乙未進士官宜黃知縣有芝廬唱酬等集所緒令宜黃有善政以

他縣事去官復因他事謫戍榆林芝廬集未見僅

錄其近體詩六首

按湖南通志藝文胡虞繼芝廬集外尚有一紀刪餘集秋心草

岸花三秀草後一紀刪餘草癸戌編榆林詩草南還詩草甲子重編今俱無存

嶽麓懷古

堂構低開萬仞峯我來選勝一扶筇荒臺寂寞悲鄒浩斷
碣徘徊認李邕巨麓深陰寒白石寺門斜照亂青松蒼茫
欲共山靈語湖海何年起臥龍

夜泊潮音閣訪易公仙兄弟

湘上船因訪戴來不辭深夜赴湘隈支吾急瀨篙千點捩

描寒霜酒數杯人臥名山雙抱膝客吟潭水獨登臺潮音
閣下三更月特爲伊人一溯洄

月夜偕謝大康山何生朝宗登觀湘樓

突兀層樓瞰碧湘澗洞東下水湯湯渡頭野艇晚如鷺屋
上流雲冷作霜塔影避人看混沌鈴聲入夜想郎當攜來
庾亮三更月載酒城南未肯忘

熠熠江光接萬樓湘南風物此全收當窗遠岫平如掌歷
郭浮雲薄似秋共擬豪吟噓夜月誰將痛飲傍輕鷗擁陣
一意思清嘯眼底蟲沙不暇酬

東山謝傅游元壯太學何蕃興亦嘉攜上高樓看落景更
分明月向天涯當風水著鱗鱗浪掠鬢霜飛簌簌花老大

未酬心跡在閒情空對釣魚槎

如帶江流憶遠津蘭華香草最彬彬樓頭好月非無主霧
裏湘鬢若有人漢水煙波長悵望晉陵雲樹引蹇輪西南
歲晚猶行役暫倚危闌一欠伸

自注時有
山右之行

黃御史秀

三首

秀字君實巴陵人康熙辛丑進士選庶吉士散館
充治河方畧政治典訓兩館纂修改山東道御史
以老乞歸年九十卒有實庵文集實庵操履樸實
通籍時年已六十矣會世廟宴羣臣六十以上
者於乾清宮實庵與焉世廟有旨令中外羣臣
各舉所知實庵舉吾郡敬先生董亦隱學也敏不

就時論兩賢之官御史時上推廣皇仁一疏條陳
振卹隄防諸大政皆切時務云

九日登呂仙臺

洞庭秋正滿乘興一登臺萬頃浮天出孤峯擁日來湖山
誰作主憂樂世需才且縱登高目臨風共舉杯

積雨

無端山雨雜江聲孤枕連宵夢未成已灑竹枝添寂歷况
翻蕉葉倍淒清颼音唧唧窺虛幌蛩語啾啾伴短檠料得
窮閭苦卑溼湖光何日漾清明

遊君山和韻

飛來片石小如螺古木新篁處處多仙樂不聞張古帝淚

痕空自憶靈娥乾坤有地浮孤嶂天水無邊浸遠波我欲
移山城北去裁詩載酒日經過

彭教授仕商 五十六首

仕商字克家一字衡陬衡山人康熙辛丑進士官
黃州府教授有曉松怡衡陬詩評者稱其持律甚
嚴古體清峭如俯斷巖下視寒潭百尺使人驚怖
今閱其集頗不出鍾譚流派蓋當日竟陵習氣之
深賢者亦不免也茲選其沈鬱瀏亮諸作入斯集
母使好議論者動以楚人爲口實也

望嶽

遠望祝融尊近望忽不見對峯拱其前深居殊清晏朝霽

白雲布蒼穹懸匹練更疑雲是山雲動山亦變蒼翠感送襟籠從匪近玩榕古蹟僅存耽奇目易眩下土萬斛塵赤帝邈霄漢庶幾雲中君與余一覲面

方廣卽事

大坳天塹雄小坳重關閉

原注方廣寺南有大小坳

妙高與天臺北門

鎖鑰寄

原注方廣寺北有妙高天臺二峯

螺峯四面起日月爲樵悴一水

衝曉嶂曲折幽林蔽石橋通寺門院宇蓄深翠寂寥老龍

宮往往起陰曠萬壑松風來神號鬼亦涕猿狖匿其影黯

澹乾坤細老僧癯且健能話梁陳事昔者海上人

原注慧海尊者

說法於此於此發靈慧至今香積廚渾是曇花氣大知曠千載

絕少傳鐙器遺偈上方村可爲遊者饋

自天臺重入方廣寺

朝遊天臺新暮宿方廣再蓮峯予夙交原注蓮花峯在寺後為予屢

擁簪依然水潺湲別有雲飄飄常變不可測翻令遊者憤

天臺勢摩漢蓮峯與之配名山自有翠尋亦結遊隊

湧凡石原注郡人玉而農先生題鐫

野色渡平橋蒼茫遠水白煙雨長藤蘿負綠駐危石石自

解逃名無端蒼以額歲月飽風霜摩挲字不蝕品題偶然

耳名山藉潤色

經釋石浪舊住處有感原注在飛水船下

高僧不說法說法喪其天邈哉僧石浪上座無聞焉臨摹

懷素帖解脫匪言詮芬如治亂絲其究合自然作詩不諳

律七絕妙若仙色澤芟除盡會悟在雲煙接嶽卽遊世遊
壺何處邊石浪逝久矣狂者飛來船

和石庵六安茶元韻

荆揚接壤處厥土曰泥塗庭堅之封國沃衍天下無種茶
者誰氏一家數百株筠籠累千萬不入禹貢書雨前競採
擷深嫌節候逾負販來江夏精粗任意沽石庵獨醒士七
椀頗所需呼童汲清泉活火烹徐徐松濤吼倏忽石瀨水
跳珠注之以哥瓷煙雲何鬱紆掌露應無別上池未必如
客邸三五輩同啜興不孤清風生腋下神爽心亦俱茶經
筌蹶耳道性返厥初搗來尋白社佳品肯餉吾

九日雨中卽事

滿貯陶公酒穩繫孟嘉帽擬上寶石山彌望發長嘯卻循
赤壁歸熟誦大江調今朝天微黯亦云秋面貌須臾雨翻
盆則非吾所料荷殘困淅瀝菊黃染泥淖圈豕毛踏澀澀
飲溝可陷牖破通斜點幕垂想遙照適讀東坡文龍山補
逸調同官陳翼雲手錄撮其要原注東坡有補龍山會
文陳君過齋頭手錄之我
愧青鬮寒厨煙不出竈呼童搗茱萸饑腸怯辛燥屋瓦鳴
萬籟秋風夢已覺開卷見黃虞東晉何足道莫嫌離冷落
於此得深奧

公讌詩呈方伯錢塘徐公

迢迢鷲熊國仡仡武昌城
峩峩瀛洲選甍暨南紀屏文章
以飾治韶夔響鏗錡既濯滄江錦還舉北渚蘅
聖朝大

一統楚乘命研精開館招羣彥墨藩何縱橫大方信嶽嶽
下里亦蒸蒸弗葑菲以棄乃聲振以成春深無寒谷雨足
無枯莖異數頻下逮寒暖枯則榮是日初秋氣列席飛兕
觥西園與東閣詎復能與京久諳陬隅語曾無鄴下名苒
猶躋如馘今者五侯鯖玉山誰甸羨酬餘句互賡高蟬聲
入韻况復商飈清因之賦羔羊揚扈有餘情

插柳

蠟祭民方息勾芒郊亦禮土膏暗浮動雪消淨泥滓我園
十畝餘吏隱聊爾爾昔讀五柳卷其言澹而旨其人亦可
懷其後罕能比清風挹素抱我之志在此呼童斧嫩枝短
長惟所揣刺土鏹斯趙丁甯近流水纖腰匪易誇青眼終

沈氏書齋集卷第十一
何似度幾嶄然上陰此園中士

秋懷

秋日鮮融怡秋懷多憊憊編籬藝叢菊勺水澆未透藝菊
既無功吾亦病消瘦消瘦吾自分安得花叢茂奢懷涉洞
庭窳袋尋橘柚

孤懷當秋夜沈思不能語胡爲天地閒蕭瑟遠如許荏苒
鬢髮斑屢更此愁苦今者五十四來歲五十五荏苒一百
年愁况難枚舉燈花向余笑此論何太腐

客從遠方來議論何皎皎謂余甯淹滯勿受塵氛擾魚龍
托秋江寂寞安足道時命誰敢違沖和亦可慕皇天有情
否胡以長不老

思路不可程愁緒奚其纒開卷尋古人宋玉遠能招廩秋
盈楚國重以續離騷偶登山臨水之子望覺遙露泣戒夕
陽霜嚴思後凋湘浦披余珮問答聽漁樵

桑杪豆花

秋風正蕭騷春意淹桑條桑榦撩雲白豆花綠其梢野蠶
胃微馥蝶饒飛不高紅蕊誇尊勞黃鳥頓能超朝光一以
上顏色恰相調西枝封縹渺東影燦嬌婉吾園菊正芳輪
彼蔓生翹盤食應無分竹望良已勞大地從吾好豈不念
層霄

洞庭

南瀆行亭千里碧秋光雅宜詞賦客蓀橈蘭旌帝子遊木

沈湘耆舊集

卷第七十一

葉萋萋蘆荻自古今哀怨總銷沈問天如何天亦然儻忽
商颺動地起江豚浪拜龍竿駛地底劫火太急煎銀鑄沸
湧洪鈞裏浪勢穹窿粘天溼半空慘澹陽烏泣蒼梧滅沒
不可知南巡帝子嗟何及吞吐全楚控黔滇五嶺以北水
支分奔流到此盡稱臣孰測江淮河濟外別有天險駭鬼
神君山秋高橘柚熟中有神仙酒百斛我欲剗卻艤孤舟
醉讀離騷歌楚曲

祝融峯望日

峯危人孤蹙躡立巖谷風號聲怒吸山僧指點霞濃處云
是地球繇邈陽烏蟄須臾一線時吞吐我目覩之心若失
我心我目不自持海濤矇矓光噴溢方嫌規隱半忽覩輪

轉一義和執策政後期陽谷咸池一湧出大地滂鬱自雲
烟次第東方明瀉潔日輪璀璨漸覺高天下熙熙析秋毫
山青隱見如昨日我所懷思更迢遙

按此詩用韻頗雜稍爲更正又次第東方句下節
去我聞天開於子地開丑瞬息開闢人知否又聞
淮南推算東西二萬八千里
宵信天根只如此三十六字

登嶽將至絕頂值雲興

祝融峯隔二三里祝融峯上濃雲起膚寸倏成瀰漫形暗
嶮歷歷散板詭大鵬之翼垂天池陽烏黯澹蝕光輝涿鹿
蚩尤興大霧杳渺乾坤失天柱江天混沌氣勢殊儼然置
身太古初此時上帝亦愁慘何況羣動同汝閭望日亭邊
風雨濛濛坐禪房恣夕覽

題南天門

金簡爲根煙霞闢

原注金簡煙霞二峯名在南天門側

深鎖天關氣不洩石

磴嵯峨陞級高絳闕珠宮環日月祝融深居法駕尊千年
不啓臯應門見離勞坎司闔闔鞭風驅雲恣吐吞福地從
來不易至我來執策騎天駟須臾馳驟闔其藩領畧奇峯
七十二

水簾洞

巨靈最屬鴻濛闢萬斛泉眼通地脈何年海鯁化龍飛最
高之峯吼潮汝暮汝朝潮十二時電掣雷轟四千尺天光
日影隨瀑下鋪作羅紋匹練白木葉聲高洞風起驚猿失
隊巢鳥徒風狂瀑怒雨不平森森寒氣砭肌髓

舟自齊安經青山磯抵鄂城

舟自青山過眼將黃鶴迎人煙殊簇簇
籥韻忽盈盈
漢陽古江涵夏納清我來秋氣肅
弔古倍多情

新齊

一雨逢朝旭融怡天下春
飛禽還戀舊鄰樹各懷新微綠
侵書幌新紅點水蘋
隔江雲出岫遠思共誰論

家湘南歸途值雨有詩見寄時閏八月十五日也次

韻寄懷

蒼苔猶印履之子去何之
相見一樽酒別離兩鬢絲
馬蹏衝雨驟雁足入雲疲
索寞中秋又無由對所思

正月六日城北晴雪

沈清齋集卷第十一
緒風更歲律霽雪晃山城袍襖餘寒意畦蔬帶煖情誰家
盤菜細背郭暮煙橫來日逢人日江山分外明

遊方廣

羊腸峭削幾驚魂道是蠶叢闢劍門磴道棲雲晴亦溼攢
峯陷日曉猶昏陰濃古寺杉松老風起層崖虎豹尊半壁
南維天一隙朱張舊蹟許誰論

瞥見幽竒邃古初洪鈞位置定何如當年曾聽山僧說此
地原經水族居萬壑風雲蔽石窟半天雷電起階除談經
欲証無生話怕有神龍擾太虛

偕冢湘南康文作釋石簣全參登衡嶽憩峯腰酒肆

小飲次湘南韻

層雲不放日華光倦鳥斜飛背夕陽
邨酒無多須盡醉杖藜何處且徐商
石潭蛟窟飛泉白茆屋人家煨葉黃
更向
體異聆妙諦鐘聲嘹唳夜敲霜

自南天門抵九龍庵

清溪有客自天來回首南天弄日纒

原注南天門最高九龍庵在大壑中洞

擎雲羸僧欲蠶石牀花冷蝶無媒
深秋寒覺朝昏變絕頂晴知闔闔開

原注庵後爲視融峯望日臺

啖得胡麻腸已換遙憐世劫

幾經灰

開雲樓謁韓文公

康子城西百尺樓開雲往事等雲浮
千年河嶽空秋色一代文章贖古丘
斷碣不鏤焚後草繡香猶弔謫時愁
何緣

沙汀卷之三
三十一
三
舊蹟開生面端賴神明百里侯

原注時葛邑侯
重修此樓落成

鄴侯書院懷古

弔古愁澆酒一杯未能出俗枉徘徊十年富貴真塵土萬
軸牙籤亦劫灰那得曲江操物色更無老懶問根荄名山
愧殺支離客學道讀書總不才

涪溪

峽口晴嵐逐水隈昔人曾此闢蒿萊荒亭殘碣摩蝌篆野
草閒花怨馬嵬弔古重論天寶事題詩遠憶漫郎才旅舟
明月空千古此日有人泛酒杯

鄴都

鄴都城外阻漳水曹魏興圖一版收七子風流柳絮三

分籌策竟悠悠荒郊不解留銅雀雉堞猶知畏木牛
聖代昇平無角逐空聞畫角壯神州

冀北

冀北名駒天下奇秋風昂首叫邊陲荆卿入市悲歌日越
石乘陴坐嘯時相齒品毛俱未是追風逐景更誰羈縱然
伏櫪仍千里况復歧途知可師

立夏日小集侯同寅署次石庵韻

落花庭院數花頻睨睨還聞鳥有賓漫對清尊教駐景肯
令綺陌迅辭春微醺豈碍公家事雅集權爲物外人此地
從來堪嘯咏那能把臂不情親

鄭恆齋餽芋賦謝

抱膝吟詩性所親，秋風秋雨雁來頻。
相將爨下同分芋，其業病餘怯采薪。
宰相十年當有屬，田園三徑亦需人。
饒他東去大江水，釣艇魚竿我與君。

青州從事最情親，活火烹茶醒亦頻。
自得蹲鴟嘗上物，不教枵袖等勞薪。
方書更說宜冬臈，遠路相將獨故人。
卻憶舊時投贈侶，田園風味恰如君。

玉版橋譌序班橋，始因傳聞失實久。
自題額矣抑豈但玉版橋然哉？詩以寄慨。

誰道名山不可磨，當時稱謂已成譌。
乾坤尚有千秋在，陵谷遷移更若何？

老生莫漫說皇初，玉牒於今亦子虛。
惟有野人名姓舊，窮

愁仍是昔年余

夢與山靈話夙因舊遊王謝久埃塵近來牛馬呼難定卻
喜匡廬面目真

旅病

索米長安口不餬慵將筆墨亂鴉塗當時誤信不龜子并
澣依然是故吾

病身無伴強支持藥餌茶鐺待付誰一夜西風黃葉亂旅
情如酒鬢如絲

杪秋夜起

更鼓聲殘夢不成起看河漢欲西傾竹枝風動織禽覺秋
色將毋太急生

殘醒無處覓烹茶卻愧寒蟬吸露華
身在此間無個事世閒魂夢最紛拏

傷春

墻角芭蕉舊拂簷今春况得雨廉纖
一緘舒卷渾生意不似主人頽白髯

西山山麓寒溪寺昔者良晨轄再投
又擬乘春扶杖去一天風雨不成遊

戊午秋七月寓鄂城時李良哉至鄂已久是月七日
有詩戲贈

浩淼長江獨往還

原注時方奉檄調至鄂城

星河天上笑開闢如不作

歸休計織女牛郎鬢已斑

歲晏

歲既晏兮孰華予臣之壯也不如人沿江步履思張翰怡
有朋尊酒入唇

小池

周匝垣墉鑿小池春池雨驟亦漣漪蚪蟲頗似儵魚樂晴
日兼能浴畫眉

庚申春日偶成

黃州暫滯人千里赤壁慵懷鵲一枝况是春郊逢雨泥芒
屨竹杖竟何之

鷗盟在昔關心事夢想衡山石一卷留滯周南司馬氏此
生湮鬱未編年

小池半畝亦抱藍
掠水纖禽隊兩三
不辨蘭亭修禊事
石軍詞藻未全諳

鳥語時聞行不得
楚黃尙有杜鵑聲
行藏未識伊胡底
造物將毋鑿我情

寒食初過一百六
黃鸝遙見兩三雙
憑君行樂增吟興
水舞雩話不乖

鳥啄枯枝聲啞啞
主人兀坐賦方成
雨師不記春深淺
膚寸山雲陣忽橫

雲陰冪冪非春事
征雁迢迢是客愁
不貴不仙惟縱酒
狂思身世等浮鷗

信筆塗鴉心血乾
鍾山猿鶴舊盟寒
何當五嶽支筇上
不

是奇峯不浪看

羈貫紉蘭水一方佩纒遲暮似無香不知此日丹黃筆可有當年赤白章

李教諭文炤 六首

文炤字元朗善化人康熙癸巳舉人官穀城教諭嘗爲嶽麓山長與邵陽王元復能愚寧鄉張鳴珂玉友切劘講學於六經傳註程朱緒言旁及輿圖象緯內經參同契諸書晰疑辨難多所發明學者稱朗軒先生所著諸書多採入 四庫館 史館儒林議立傳鄉先生經學之深船山而後朗軒其最著矣詩不多見今從方志採撮一二以存其概

和家實庵讀馮根公卻聘書

封豕長蛇滿域中，鳳麟何地可潛蹤。
出師表奏風雲變，正氣歌傳霧縠空。
墨瀦淋漓成碧血，筆芒刻削敵霜鋒。
冠裳川鏡皆塵土，畱得遺編喚曠聾。

極高明亭

振衣上峯顛，下視人寰小。
列宿低芒角，白雲相繚渺。

道鄉臺

十萬長沙戶，不容遷客住。
酒存一荒臺，鬼神相呵護。

咏歸橋

行矣復歸歟，臨流發天籟。
四山悄無言，翠入晴空外。

弔陳烈女二首

有序

章文毅曠督楚卒於軍其妾陳拾蓮子自給有武人質
其父求之陳佯諾迎至一宿河自沈時年二十湘陰人
也

芳容憔悴泣清湘萬國天崩何處藏拾得蓮房心倍苦箇
中滋味少人嘗

怪底湘流混混清千秋斷送幾魂靈英皇相遇談陳迹應
憾昭君一冢青

按陳烈女一曰巴陵人華亭章公曠之妾也公以
一身扼湘陰平江之衝已潰兵失利輕騎轉戰楚
粵間臨行召女喬居湘鄉之溪口會章公以勞勳卒於
遂依其父喬居湘鄉之溪口會章公以勞勳卒於
永州有武弁陶甲質光國以要之逼令登舟至潭
深處遽躍入水死相人葬之漣岸封墓樹碑會大
水岸頌墓獨無恙競爲詩歌以弔今志載陳夫人
立碑詩是也嘉慶閒湘人士續修今漣濱南岸有

沈氏有集卷十一

石隧隆然道左者陳夫人墓也余修楚寶時水及補帽附載於此

洪野人仙年一首

仙年字鶴千湘鄉人康熙癸巳舉人性恬澹不樂仕進舉於鄉時年五十矣闢園種竹千竿為吟嘯地自號友竹野人有集

山居吟

疏水家風樂有餘明窗淨几興徐徐身籤亂處呼童整花
草忙時帶月鋤濁酒三杯亭午後青符一枕葛天初柴門
地僻高軒少養晦何妨任卷舒

女義巖曙一首

曙桃源人康熙癸巳舉人四川義昌縣知縣行取

以直隸州用未任乞歸

答陳延溪

仙洞久無跡塵寰早拂衣豈能天地別差喜往來稀自搥
多霜去母勞青鳥飛憑君肯相訪丹鼎日忘機

胡舉人松二首

松字蒼巖湘潭人康熙癸巳舉人蒼巖有至性事
繼母以孝聞嘗割產以讓異母弟鄉黨稱之

過空洲

孤棹晚夷猶蕭條過野洲江分雙派水雲斂半巖秋落照
橫山腳驚波撼石頭十年身世夢飄泊付沙鷗

湘江懷古

涼風初起碧波微雲樹蒼茫對夕暉百代山川詞客老千
年煙水逐臣歸草荒洲渚無人采花冷江亭只自飛我亦
神傷前古事不禁搔首一沾衣

夏舉人之鳳

一首

之鳳字羽皇攸人康熙癸巳舉人羽皇性篤孝父
喪哀毀甚塋日躬負土於萬山中遂折其股愛養
孤姪逾於所生其至行如此羽皇與胡蒼巖皆以
行誼著詩非所習也聊採錄一二以存其人

鹿門山

龐公棲隱處尚有鹿門山山色無今古何人共往還楚雲
愁渺渺漢水去閒閒歎息千秋後高風不可攀

周舉人易一首

易字乾一湘潭人康熙癸巳舉人

春望

春城漠漠挂斜暉獨立風前影共依
醜面小桃穠作陣迴腰新柳色全肥
白雲過眼情無柰黃鶻摩天去不歸
好是舊時王謝燕殷勤還向故人飛

王仲子爲垣

十七首

爲垣字東注武陵人康熙甲午舉人與兄爲壤齊
名時稱二王有六瀾堂集

望金山

江源萬里來望若從茲始一柱不浮去根向波瀾峙子立

何所因終古長若此我疑洪濛初涿洞無涯涘撐地斷神
鼇遂令中流砥潮汐共咽喉逝者何時已

觀水勢有感

幾日江邨外危波岸欲流舟迴能滯險夜障騰防秋水政
非無策民艱不自謀那堪驅世慮隨意學浮鷗

乾明寺

已識南能域猶傳善卷村石依雲作髓山結水爲根一徑
重華路雙椽古佛門欲尋禪寂處蟲語近黃昏

湖上書屋感懷

自注陳澹巖先生讀書處

一春猶兀坐水曲路縈紆販壑人曾售移山性本愚鼠
齕饒硯跡蠶落戀花鬢擲拋從吾好何因問瑟琴

過五噫庵憶樊山磐石帆上人

石竹行鞭絡壤墻已公茆屋舊詩場空林欲暗知雲碧賸
雪微明覺夜光畫處無聲皆活水思來有味是寒巖山人
老去高僧逝未奏山陽笛已傷

遊石門

地裂山根一徑開寺門深處淨氛埃巖邊老樹參天立洞
外寒雲觸石來仙客尙畱緜氏蹟居人多似武陵隈宛陵
自昔稱詩藪不見題痕染碧苔

洞庭秋

有引

海內受水地八千里洞庭爲長自導江以來注之者曰
九支曰九十九支曰七百曰八百步亥猶歧遑問所產

壬辰旅湖上大兄青原取舊和些庵前後二冊念年來
所見爲秋者向湖中諸族質之每念嶽有志而湖無志
輒思採輯與霍志表裏爲人閒事所窘未遑也戊戌過
寧川陳子芷濱與弟方山緝閱青原故集手蹟如新殘
秋猶磔磔紙上追感既往復訂將來匪躡鵬元之蹤聊
述單鏘之意云爾

清清沙白晚風晴野鶴初傳警露聲五渚波由雲際濫九
支川自地中行神仙真合蓬瀛住蛟蜃從看殿閣明誌怪
欲窮包穴路莫須人喚太湖精

天更見後雨初過一氣猶能泛絳河日與沈碑留慘澹湖
同落木共蹉跎湘靈別怨盈荷星山鬼含情帶女蘿記得

團峯題石夜負題會怕老龍鼉

自注壬辰青原兄泊團山詩云毋使老龍鼉一夕負

之走復序其狀謂十日也

日志中可了此一公案也

一殿凝光接此宵夕陽深處卷鮫綃誰開水府生禾稼但倚秋官漲菰苗帝子尙流新竹淚天孫不駕舊烏橋短歌莫漫餘音嫋恐有孤舟聽夜簫

故林遙待寄霜柑蓋壤相依鑑一笛帝遺金風爲甲帳島編鮫戶足丁男青螺盤裏多空碧黃篋樓前半蔚藍欲攬芳洲尋舊蹟蓮花猶自豔寒潭

五瀉輕舟九節筇高空瑟瑟釀霜淞鮫絲和淚縈湘浦雁影傳蘆到霍峯千里杜蘅俱歲月一天雲海潑心胸遙憐水族無人註徙倚寒汀弔晚蛩

九疑曾記爲南嶽

自注元漫叟記直合以九嶷爲南嶽

五水分流注一江浪

引商聲翻羽調雨吹蘭氣入船窗魚龍居處天爲夜蟋蟀
征時血滿腔目斷碧峯何處是游方那有馭風幢

麋國煙連枉渚西一天監碧見端倪氣乘海日朝光動浪
切星墟夜色低素節無塵飄玉屑綠書有字爛金泥蚌帆
久識川藏媚不費當年照水犀

煙波不管數乘除雲土蒼涼澤國居厥貢包茅殊越絕一
經香草出秦餘帆凌鳥道知毛毯月落山根見牝虛嬾漫
恐詒泉客笑夜寒手自校龍書

寧川席上爲陳澹庵先生賦

十年絳氣萃宣州大臘春同夜獻酬管領仙才來華嶽吸

噓真宰出丹丘題詩玉署殊凡響入苑瓊花有並頭莫道
傳經異身受幾人富貴擅風流

宿白鶴洲

荒荒古陌半蛟宮泥壘初翻麥浪風墟里幾家殘瓦礫草
花能放舊時紅

過故友康辛叟舊居

繫馬園池日正昏江雲潤樹倩誰論門前幾斛寒煙水猶
是當時舊墨痕

王安平鐔一首

鐔字元音祁陽人康熙甲午舉人官貴州安平知
縣性剛耿政聲隆然爲忌者所中以盜案誣誤去

宮

游涪溪小憩中宮寺

多情風月寮尊裏
滿鬢雪霜石鏡中
十載空孤猿鶴約
到來題詠總難工

陳威遠方愷一首

方愷字■衡山人康熙丁酉舉人官四川威遠

知縣

由黃帝巖欲覓禹王巖以磴道險翳止

峯遊若選編奇製
恒恐失策策響屣
屣半空羽流陁或
是疏乞年有熊曾
駐蹕粘天石氣粗
清霜換秋律隻影
巖下湄縹茅僅容
膝掘雲去他山瓢
冷泉幽秘欲探窺
委溪汲

古試總編乘飈拜禹陵庶免龍怪叱嚴借古帝名枯巖壇
奧竒

李舉人人龍 三首

人龍字虎文一字雲從號靈川桂陽州人康熙丁酉舉人有萬軸堂文集雲從詩集靈川九歲能文性篤孝嘗因母病徒步延醫途遇虎泣告以故虎爲之避集未見僅從方志採輯近體三首

茅龍山

茅龍峯裨聳層巒獨鎮城西俯大觀煙鎖青松餘百尺日
離蒼海僅三竿仙蹤縹渺涼飈爽野草紫迴亂戟攢坐擁
九疑堪嘯傲憑虛更欲望長安

宣妙寺

寶刹巍峩共客登十年回首憶吾曾
只看殿上菩提長漸覺人間歲月增
乘興泛舟臨剡曲安心何處覓金繩
勞勞自愧多牽絆輪與逍遙物外僧

詠錦湖秋水

兩岸芙蓉接素秋波光容與愜清遊
柳絲自向風中裊山影時從花外遊
幾縷晴雲迷遠浦一拳宿鷺戲滄洲
晚來欲臥湖邊月夢醒江天一白鷗

周潮州碩勲一首

碩勲字元復寧鄉人康熙庚子舉人累官潮州府知府有善政殿祀鄉賢

潮州西別詩

垂老二千石浮名四十年驚駘疲北道

自注余官面隸十五年近由廉州守

調繁潮州煙雨瘴南天漫識珠官富遙慙吏部賢儀型肅草木

自注韓祠橡木相傳昌黎手植又山水俱以韓名

姓氏警山川曠世余生晚乘時

我輩先雙旌開鱷渚七載凜冰淵饑溺胥由已痼瘼未忍

捐海濱潮應月洲上屋如船曲曲晴虹障青青再稻田憑

城疏繡壑而地瀉雲泉糧孽蠻陬賦村酣午夜眠行春人

買犢論秀士安絃膏火重林密馨香一飯虔肯容狐穴踞

常慮鼠牙穿弔古秦碑在探奇漢時遷藥公存舊社石相

闢新椽舉廢聊循職依違恥備員惡聞多市虎愁說畏霜

鴈鋤艾株難盡崩壞瓦不全

自注潮陽命案失出令削職余亦鵠級

未能除

鬣尾耐可息牛肩澹若升沈迹淒其聚散緣攀輿勞悵望
去轍幾回旋飈墮塵頻積堂虛鑑自懸破觚恩浩浩案法
日乾乾隻字母文致羣黎莫漫連農桑家有慶禮教戶應
宣任俠羞鳴劍忘身戒引弦崇朝須制悉三尺果誰憐綠
野昇平福烏衣得讓傳贈刀爲別重解佩此情牽惘惘臨
岐淚依依祖別筵深慙尸畏墨差喜拂歸鞭鴻入層霄裏
帆飛落照邊那堪留愛字猶復鎮瀛壖

自注郡人爲余建
生祠於鳳皇洲畔

張慈谿採一首

採字中五號湘漁湘潭人康熙庚子舉人浙江慈
谿縣知縣湘潭諸張多貴顯有文學幾於人人有
集中五有四子皆以事權法故其集不傳今從通

志深入首首可以哀其遇矣

驩兜墓

原注在今永定縣天門山

崇山雖僻古堯封
旅塚知埋第幾峯
未放以前經事帝
蓋愆無後始成凶
巖泉尙瀆唐虞淚
宿草全荒去住蹤
莫向九疑叫煙雨
當年何故不夔龍

廖舉人夢麟

一首

夢麟字鳳偕
攸人康熙庚子舉人
與弟夢熊齊名
有澹谷詩鈔

大覺寺訪嘯庵禪宗

仙山當薄暮
繞徑白雲封
鶴辨重來客
人憐不定蹤
虛鐙聞落葉
纖月下殘鐘
話到忘言處
浮生失所從

胡刑部正笏 一首

正笏字子朝號吟江湘潭人康熙甲午舉人官盛

京刑部主事

望昭山有感

獨鎮湘江水高峯不可攀白雲飛殿瓦夜月宿漁灣將母
當年別餘生此日還靈妃多勝蹟不忍上昭山

張武舉祖銘 二首

祖銘字 湘潭人康熙庚子武舉揀用衛千總

夜泊昭潭

情深不可極隱傍翠巖生秋月寒閉碧江風夜送清蕭疏
雙鬢髮磊落幾人名莫惜登高屐雲山寄遠情

秋日宿韶山

旅夜多岑寂披襟獨倚欄
西風征雁急細雨砌蛩寒
滴
凌香竹香生帶露蘭
寺鐘催月落起聽漏聲殘

沈澗書齋集卷第七十二終

沅湘耆舊集卷第七十三

新化鄧顯鶴湖泉編輯

長沙毛國翰青垣校訂

陳仙掌載華四十一首

載華字仙掌號咫園益陽人康熙庚午武舉官洞
庭協千總所撰著有復齋詩集仙掌居汾湖洲上
性耽吟咏諸體詩清挺酣暢氣味高雅五言境界
尤佳灑灑武弁而世少知者因思吾鄉前輩風流
閎寂不傳於世者多矣可勝歎哉

江口

連峯俯長江江岸夾山根草樹疊萬丈不見土石痕岫嶂

去已遠蟠踞儼至尊
倒影入清流勢若裂
厚坤天地愛設險
靈闕此間存
溯洄從此入
將毋覲仙源

守拙八首

我生安守拙
蕭蕭舊柴荆
西園植雜木
鬱鬱莽中庭
林疏見秋色
天籟時復生
習靜漸成癖
儻然淡無營
豈不愛高爵
得失攫吾情

秋氣淡蕭爽
秋光映林壑
林深多雜花
相對忘寂寞
禾穎尚未晚
紅紫互參錯
榮枯各有時
豈曰霜露薄

箕踞疏林下
斜陽照碧山
歸雲入遠岫
皓月挂簷端
呼童酌濁醪
一醉聊復閒
爲言拾瑤草
令我好容顏
我心有妙理
安用遠躋攀

蹉跎日日晚，怒焉傷懷抱。誰言名譽多，頓令形容槁。青雲豈不貴，始辱榮所造。田園有餘歡，高蹈容我老。親戚時見招，子孫永相保。百年隴畝間，韜光以爲寶。

菊茨傍修竹，落落野人廬。顧此園亭好，旣醉恒晏如。杖策步花徑，稚子牽我裾。陶然得此樂，世事日益疏。雖在窮巷中，豈復悲索居。

雨過天氣清，層軒臨水面。雲收露素魄，夜色明如練。疏螢隔籬櫳，流光遞隱見。階前掃石坐，深夜渾忘倦。揮扇引虛涼，煩暑於焉滿。

衰榮有定分，出處無定名。嗟余亦何拙，三十尙耦耕。借此沮溺志，伸我違俗情。筋力豈不勞，衣食貴自營。庶幾性所

近心境時虛明

湖上雜詩

汾湖江渚外壤接蕨岡遙
茹屋藏深樹柴扉繫小船
可能忘漢魏更得老漁樵
葦表宜歸鶴何年賦大招

蕭條秋欲盡颯颯起長風
葦岸連天白楓林映日紅
禽魚隨地樂湖海壯心同
不羨嚴陵釣羊裘老一翁

地界寒湖闊灘頭積水邊
世情開白眼往事問青天
莽莽荒垣棘蕭蕭廢井泉
傷心逢故老欲語復悽然

風景湛留滯何人可共談
蘆花斜帶雪江水曲拖藍
翡翠無聲集鷓鴣伺食貪
山妻寄朱橋佐酒醉江潭

夙昔行吟遍茲遊興不同
秋山昨夜雨江浦遠帆風
耽酒

寧違性爲文可送窮有時拔長劍斫地氣如虹

舟中吟

泝流何太緩江漢自蒼茫極目家千里維舟水一方
蹉跎空抱玉惆悵聽鳴榔金盡奚囊在寧須陸賈裝

終日憑柔艣遲迴弄激湍濤聲時近枕鄉味漸加餐
雷雨無時作蛟龍何處蟠遙憐湘水上薈蔚暮雲寒

逶迤石頭口卻望拜風臺弔古狂吟去窮途痛哭回
水雲看不定風浪聽俱哀慷慨幽燕路雄心未肯灰

朔風吹瑟瑟歸路正迢迢荻岸歌漁子神鴉趁客船
笑擎杯在手羞看劍橫腰有感非漂泊無由破寂寥

半載他鄉客還家轉白鷺孤帆留月影落雁送江聲
身世

悲何事乾坤負此生拊膺增歎息遲暮最關情

望嶽麓

爲愛山光好幽棲故近城曾登峯絕頂不憚路難行雨洗
蒼松淨煙籠翠巘平重遊須結伴何日不牽情

峭壁凌霄出巍然俯大川淺深螺黛色淡蕩蔚藍天苦竹
在幽澗長松裊薄煙遙憐清絕處風景自年年

祝融不可見雲麓日氤氳古樹留孤影浮圖挂夕曛未知
林谷變但覺水雲分漁唱沿江渚迢迢斷復聞

歎息朱張後寥寥贖講堂碧雲閒出岫青草上迴岡久蠟
登山屐難傳曲水觴依稀松樹裏隔岸奏笙簧

宿霧城闌合愁懷總不分山迷連夜雨風度隔江雲禹跡

孤亭在梵鐘半嶺間遙看沙渚雁天際晚紛紛

道林何處寺幽寂斷塵氛鳥倦下青靄僧閒臥白雲夕陽
明滅異曉色霽陰分極目江天外飄飄意不羣

不能窮絕磴惆悵且行歌便欲乘風去其如隔水何荒臺
垂紫藟古徑掩青蘿清夢無時歇漁舟臥短蓑

片雲膚寸合茲麓舊稱靈嶺勢分高下泉聲落窈冥影流
虹自白坐對眼眞青長日風濤隔愁看細雨零

岳陽

城勢依山立水光如練鋪遠帆朝屢過明月夜同孤身已
羈微祿心猶屈壯圖聞雞慵起舞獨自將長鬢

龍潭雜興

溪雨不曾住溪風昨又生
窗前移岸影枕上送濤聲
暫止非無意茲行最有名
平生好親舊垂老益關情

驛道橫茅店龍潭臥板橋
斷雲分兩腳曲澗走山腰
久言尋芳約寧辭入谷遙
揮鞭指前路歸馬氣尤驕

孤亭畱信宿春意轉霏微
階下蒼苔溼門前紫筍肥
暮煙還縷縷朝旭自暉暉
好景收奚棗溪聲帶不歸

遣興

筍長宜新雨蘭香沁曉風
微吟春色外寄興酒杯中
鶴化悲丁令鷗閒逐海翁
山間容我老時自課兒童

觀漲

水勢渾如瀉江光竟欲鋪
魚龍腥澤國煙霧塞重湖
石藝

飛初落鰈人泣更殊自無犀可照何必怨藏珠

山園秋興

小徑蒼苔繞砌深
考槃風物自蕭森
經霜敗葉皆秋色
傍舍脩篁多野陰
一榻故人千里夢
半窗寒雨十年心
壁間有句題間適
不及當時梁甫吟

西水泛溢范明府視墾灘頭荷垂矜惻詩以達下情
此地荒蕪六十年
悽然林莽聽鳴鵑
蓬蘆幾處漁兼牧
菱芡孤墟陌與阡
那解炊沙能作飯
還思變海可爲田
聖朝尺土皆供賦也
許波臣乞一廛

感懷六首

五十年來算海沙
沙邊烏篆夢中花
貧無負郭供饘粥
老

賺微霜點鬢華何處青山能待價此間綠蟻尙堪賒祝融
攘去訪千首豈有危言恐楚瑕

憔悴山川已惘然燈花爲底喜珠連往時尙有錐堪立此
日都無室可懸好夢覺時知是幻愁腸觸處不成眠如今
舟楫看新作敢說當年范蠡船

壯不如人老不休轉於行役費綢繆丹楓莫怨霜飄早白
荻笑辭水到秋 聖代自應無棄物旁人錯解是先憂回
看滅竈空惆悵北斗南箕豈待求

寒灰撲盡漏徐徐霜慘風淒成有餘似此爲貧干祿餌不
如削籍侶樵漁饑鳥覓食身偏疾乳燕無棲翅轉舒得失
升沉渾莫定亡羊岐路幾躊躇

淡月婁琴無定居故園胡不賦歸與寒梅傲雪香尤烈衰
柳因風狂亦疏豈欲結廬聊草故若教徒宅當遷除旁人
只勸加餐飯顏帖空臨莫告渠

三尺橫腰歲月殘羞將短髮學彈冠爲巢卻笑鳩偏拙上
竹同譏鮎最難得遇盛筵酣便止那從全局算將闌此身
此日成匏繫獨自拈髭念夜寒

望雨

日日瞻雲起溪頭鎖未開隔溪雲最密不帶雨飛來

陳禹封其場五十二首

其揚字禹封號航齋益陽人雍正丙午武舉通經
史百家言兼工書法著有習是齋詩文集及注古

今參同契年百齡始卒禹封爲洞庭協千總仙掌
詩伯之子益陽陳氏自明末筠竹詞老至禹封蓋
百有餘年矣世有名人皆起武科異哉

雜詩

魯連昔在趙范蠡居越都談笑卻西秦指揮沼東吳高蹤
寄海上晦迹匿江湖銳進亦銳退全終庶保初

叔敖爲楚相荆邦得強盛衷殲晉師後楚風日以競偵諷
由嬖參功成歸執政夫何身旣死子孫託優孟更請礲礪田
以免豪強併優乎生死交請詞動主聽

晉楚事樓伐吳越如鬪獸樓伐散可聚鬪獸死不救皇
姑蘇業烈烈子孫脰臣節固不昭君刑亦已驟

衆草妬芳蘭衆文嫉蛾眉屈平繕詔令上官欲奪之以此
賦懷沙遂成彭咸期言之朱顏凋聞之雙涕洟支離足養
生芳潔不可爲

感激心附燿膠漆曾不以危疑坐消渙溘若冰成水六國
議和親幾歲從約解韓彭數十城終竟求菹醢如何桑下
靈一飯託死士

遊鱗憚網罟飛鳥畏彈丸鼠牙及雀角墻穴而屋穿庭中
焉設羅廡下誰控弦近習每狎易聖主知其然膳宰必吉
士誓御求仁賢

在水惡含沙在天畏南箕口舌所搏擊聞者皆酸嘶青蓮
逐夜郎昌黎放海湄觀其平生心昭晰豈復疑方當晦昧

時百口徒爾爲

越溪浣紗女織手亂飛瀑蜀女負井鹽蓬髮穿石竹莫漫
監珍異亦勿嗤垢辱曠代幾西施無鹽生亦獨飾女綺與
鉛貴士名與祿在御則珍奇沉埋委珠玉

景公泣牛山晏子仰天笑曼倩金馬門悠然坐長嘯諸詞
動萬乘祿餌不可釣泛濫愁吾徒三山何由到松喬難與
期既老焉能少

老子語無爲其道貴日損曠然虛乃心忽忽歸道沌有如
古至治穆若羲皇遠清淨以爲身非其立治本晉惠昔當
陽於時方跋蹇王衍唱清談竹林和嵇阮虛名誤當代君
國傾婉婉道德五千言何其失關鍵當時山巨源一言陸

淺鮮

昔我遊襄陽時尋墮淚碑芳蹤不可覩峴首亦低垂揚揚
緩帶風簡籍相尋披只今漢水上謳歌異昔時落落一世
豪寥寥曠代思英賢不易世叔子猶如斯

蕭蕭嚴子瀨朝宁有歸人赫赫中興主難迴桐江春鼎食
豈不豪舉措何逡巡歸來理煙艇喟然感江津名航致列
士芳餌胷江鱗借鑑匪在遙羊裘可庇身

洩雲何定蹤去水無還期不惜去日杳但當來者追據几
盡日夕撫籍遂忘疲敢以崦嵫迫廢此芸編披素絲墨翟
哀岐路楊朱悲杯中幻弓影狂惑只自疑人生有定分憂

惘空爾爲

自邑城渡江訪鄧二古山於龍洲書院共眺山閣
城下清江上輕舸破江煙旣涉信所之東行躡層巖靜宇
白晝閉鳴禽何翩翩褰帷其人存奕奕斯道傳攜我上高
閣聳立盼遙天濱江千里來俯落江檻前西岡獻積翠東
望媚晴川遂覺几席下含韞爭暉鮮朽夫蕭葦質自愛委
江邊百里城市途未踐已八年時序迫歲莫何當青松堅
吁嗟乾坤內時物紛推遷

遊雲樹庵

移棹自南城捨舟陟西岸西岸古靜域今來滌塵面溶溶
山雲深裔裔衆鳥亂乃知靜界外有此佳盼眄手接膠松
枝眼瞰平江練襟開臨溪風衫脫挂蓓澗老僧破禪寂客

子意行行永日有清論
歡歡亦忘倦來遊意
翩翩歸去情
倦倦私念脫塵網
挈家此溪畔

登裴公亭

裴公好釋氏到處依山寺
亦有用心青編日爲事
迥然比絕岸俯瞰臨無地
潭下蛟螭宮林端浮雲氣
穉松未連抱亭謝迭修
廢名有千年存物無嗣
世在誰無稽古力名迹
異顯晦臨風一清醲
含情獨增慨

春雨久住清溪李大孟維宅得詩四章

坐對五六日笑語窗櫺前
此景一迴憶惟見昔少年
昔者何歡媿今茲百慮煎
所喜各強健不受衰病纏
君懷在利濟爲時方仔肩

時孟維將
謁還北上

春雨密如麻
春溪鳴濺濺
欲行

尚躊躇欲住仍還延豈謂累盤飧从此心怦然朝來小窗
下散步咏茲篇篇章固率爾余懷一以宣

我有同懷親相依如幅設身後小兒女焦思累老獨一女
適德門子孫有貽穀昨聞僵在牀驚心走荒谷吾家貧與
賤值此方怵目芳樹燦連枝青蔥復芘樸心知不如物奚
以慰窮蹙

清溪一曲流近出墻角西夜雨發奔籟慘切亂荒雞擔有
馮溷哀樹攬長風悽感此念我生晚節慎自持此心苟疚
病大地背危蹊世路本蕩平斯人自蒙迷晨興坐小齋春
臺仍熙熙舒紙作字大揮絃鳴聲低有時執香醪兀兀醉
如泥

高松號北風零雨散廣野凌晨尚陰曠及午天字鮮青茸
湛芳露秣馬春岡巔勞動非一端寸衷百慮牽深泥沒馬
脛中道憂盤旋

由藍溪入城訪溫丈鹿軒夜集更出城上翫月

亭午發南澗入郭陽已微暝色歛遙岫殘霞猶夕飛大隱
隱市廛臨流掩荆扉同聲欣應求良夜歡追陪挹子芬與
芳涓吾塵與埃更深清宴排夜半秋雲開冰輪淨周除水
色漾樓臺攀陟稍曠囑襟期生餘哀涼颺振襟袖槁葉撼
以摧感此急迴步且復立徘徊

擬古六首

雨雲日凋喪閭里異疇昔平生少年人委謝痛朝夕死喪

沙清書齋集 卷第七十一
無還期生存况乖隔鳥鳴思其曹念彼羣飛翮豈無新知
樂惜此短景迫

孫陽未長價哀鳴聲蕭蕭奇姿委泥塗千古非一朝碑兀
但瘦質嘶風亦徒勞五百市駿骨空爲後來招

三十上都門珥貂侍中想一蹶無完颯呻吟沒塵埃豈無
涓埃願病負空甌憐江上逢釣翁悠然與之往進退南湖
明放眼西山爽少壯豈不豪而今迫頽蕩

隨步上東臯彌望曠無垠江條燦新綠江草含餘春縱鶴
摩蒼天鶴飛但逡巡青雲舉目豁遼闊不可臻古人去已
遠古道難具陳和靖倘再生吾茲堪結鄰

黃鶴雙飛翼矯激摩青冥美人二八年宛若茗之英黃鐘

豈不貴委棄潛無聲碎句發扣缶嘈切石鐵錚於陵處東
國嘈餘竊虛聲南陽有王佐信者崔州平

渺渺明湖水湖波一望同白見秋露葭丹有臨江楓相對
靜兀兀豁然清雙瞳平生所襟期望遠不可終天闊接吳
楚極東泛瀛蓬山有不死草巖有青瞳翁草爲浪得名翁
爲無是公願得吹長風掃此妄念空

論書

籠鵝歸去來空際賞黃庭天鍾王逸少斯道有殊能師事
衛夫人前賢畏後生爲書報庾亮車騎立傾誠零陵釋門
子浪迹遊上京許予得朝貴因之擅時名觀其自叙帖歷
歷見生平嘲訕到右軍吁嗟太侏輕伯英作草書魏晉相

因仍異體爲牽糾規格倣眞行寢尋至於唐張旭始縱橫
草變古法鍾王無此情

初夏雨中集半園

首夏殊清和陰霾亦瀟灑開軒萃英彥對雪分杯罍雲來
羅洋白雨歇銅官赭依依煙柳斜浙浙江湍瀉醉舞振檐
檝清歌散林野及時此爲樂去日不相假浮世幻如雲光
陰疾於馬

雨中答謙甫

濕雲壓茅棟寒雨灑林坳土室無一人閉門靜喧呶畦蔬
漸甲坼桃杏訖解苞卑茨不可脫壯心日漸拋已矣厯歲
年嶽然空擊匏貧病益零落故人少寂寥鄰交得吾宗山

扉時一敲

一姪亡後往復郡城悲感而作行役之詩凡四章

枯原復枯原彌望心愴然原枯春更綠人死無時還寒鴉
翅翛翛孤鷺起中田一飽尙歸飛迢迢沒江煙况我際黃
髮倦翮終翩翩昏林不得棲舉翼卻復前平生此遭逢迢
迢叩高天

老至不出村十年坐茆屋今茲在行役中腸轉車轂行舟
溯湘江小泊依靈麓山川無時無人事如轉燭噓噓江天
陰慘慘江水綠牢落舟中子如身在荒谷有淚不敢揮揮
時滿湘竹

潭州古郡郭巍然湘之澣城闕何喧闐人聲雜簫鼓嚴冬

汾州耆舊集卷第七十三
五
樹木脫殘月映修浦今古同一照哀樂各異處舊時歎鵬
人今更在何許一身不自保含毫爾淒楚何况親骨月死
去不得語

迴舟獨夜泊蕭撤寒江澹檣楫不復施霜月皓如銀如聞
鄰舟泣爲我沾寒巾不寐已兩月身世臥積薪歸來上茅
堂舉目增悲辛待將行役意報汝泉臺人含情不得發腸
結何由伸

丁一師耀以今月六日長逝仲冬始得聞知痛悼一

章

時事一蜉蝣年光纔彷彿浮生逆旅中聚散成倏歎平生
聖親志願雲龍逐野嗟遂參商無復依輻輳百里屬重

山五月阻來躅招魂今不來墓草亦已宿可挂徐陵劍莫
指伯仁腹寂寞灘石篤想像陽春曲人生吁有涯時序閱
迅速不及清濱水振古流過續作此薤露歌歌終望雲哭
烏鳶爲我號哀哀振林麓

新晴

久雨忽新晴清旭上帷箔青天正浩浩白水紛漠漠暖氣
散江皋負暄出籬落微疴喜亦祛宿醒温且卻荒園咫尺
地七日阻屐屨及午山徑乾踏草放雨腳

八弟煥采七十生日

人事類反掌浮情如轉蓬敦龐得吾弟猶有先民風槃澗
綽以寬水竹青而蔥采渚美可茹釣水鮮爲供踏雪鹿裘

老遁世緯蕭翁時代有今昔襟期無異同今年年七十皓
髮青雙瞳時序迫眾芳亭亭照高松

秋日過灘頭園宿楊七培川表叔宅

曩在乾隆初防障此突兀起土集千夫計程逾四月予時
方經營風雨事沐櫛鸚鵡衣上塵活活泥中穢星月走中
宵霜霰行屢出艱難集眾力拮据念千室天時亦已夙力
作况云疾年光三十餘土泉尺寸竭茂草爲隰畛洿池盡
杭穉今茲重來遊心情喜面溢此間故沙積棄置爲廢物
眾族去不居何人卜云吉君子爰攸寧望景固獨别人工
積劬瘁地藏亦發洩所處就高燥眾植尤茂密杯觴握醪
清盤盃出饌潔寒螿聲清冷白月鑑毫髮兩雲念舊遊肝

肺時激烈知交半爲鬼與子猶促膝所喜登茲堂方來得
彷彿父子埒眉山田園樂靖節燕山訓有方曾氏問將徹
總角見羣孫聰明瑩冰雪融融四世歡粲粲一門傑人生
得此樂身世未云劣我今雖云老歡娛未言畢以茲無限
情言念未來日若壽滿一百更年二十七自今年復年來
往互主客

庚子中伏日卽事

子婦日嗽嗽生涯殊草草早稻未黃熟刈鎌恣潦倒春簞
及叟浮敦匱膳考老芳粲粒食佳新脆蔬盤好從來生計
拙無用憂心擣且復開羣書萬事惟一飽意廣致困頓神
暇外枯槁吁嗟此寸心獨其誰爲道

汾湖篇

大汾亦支流瀆瀉水合並眾瀨發嶢嶢瀕光集明迴舟通
煙市寂溪接巖寺警悠揚生秋濤崑崙閭諸嶺迴環泊通
障寥廓增逸景金碧擲林鶯緋紅爛堤杏水落偶褰裳漲
添仍漂梗風煙無停飛雲水日相承震澤麗餘杭豔歌人
醞酌明珠生合浦施鼠果艦挺茲焉窮餓鄉遊妓不得逞
亦不產奇尤飄風唯蒲苕水竹晚蕭蕭蒹葭秋耿耿義輪
無偏輝下鑿風日冷

走筆簡授良弟戲徵食筍

古人亦有言無竹令人俗如君本不俗况又居有竹萬顆
琅玕繞宅生鎮日珊珊夏寒玉只今筍籜未解苞茁地茲

生如羝觸清明已過穀雨來高者嶙峋穉者簇穉者入盤
飡高者過林麓知君慧眼發光明憶君牙頰生芳馥流鶯
巧轉在我墻百花爛開當我屋我今有酒且欲斟走筆向
君求一束

小園卽事

傍水卻開扉園亭幽事微秋蟲絲捲葉檐雀毳黏衣樞實
風吹綻蔬畦雨後肥池鷗閒不起吾亦坐忘機

曉起

曉風侵戶冷曙色上簾遲紫續花前句微吟醉後詩
曉轡鳴淺井鳥雀噪深枝明日重陽酒還同藍水期

過袁氏園林四首

閒行鷗作伴，迤邐澤爲家。
濕地蒸靈菌，晴灘擁亂沙。
刺船招野客，引水灌秋花。
步屨空林晚，迴頭看落霞。

瀟灑開三徑，幽居樂一窩。
樓高俯江竹，徑僻入煙蘿。
淪淪孤雲度，寥寥獨鳥過。
坐來看月上，疎影亦無多。

畦菜挑生甲，池魚出細鱗。
荒飡宜晚食，鄉味老秋尊。
未抗頽箕迹，終同懷芻民。
高歌一鼓腹，長揖謝斯人。

山隱江光白，庭昏燈影紅。
本憑詩過日，况得酒爲功。
舊約客先到，茲遊興不窮。
所嗟惟物役，來去尙怱怱。

出郭之西林寺尋李光泗

郭外墟煙渺，雲中古寺清。
空林喧鳥雀，小徑窳鼯鼯。
客跡貧幽僻，郊居怯送迎。
憐余甘茗飲，擔下煮風爐。

贈方外友人

晴軒精治日徘徊香散藤花綠
蔭槐瓶粟無多猶餉鶴庭階
絕冷遍生苔名山蹤跡期長往
浮世泡漚付儻來一卷黃庭
知幾遍爐煙篆罷帙初開

乙未元日

涓埃未有答

皇仁愧此鬢眉七尺身也共生年堯丙

子

張果老自言生堯時丙子歲

都同誕日楚庚寅

余生日亦庚寅

天無可問還

安命仙本難成且潤塵靜掃釣磯儲細餌春江水長欲垂

綸

李六明宣過訪且投詩祝余八十歸後寄酬

吾與李生自昔貧無聊贏得兩情親
都緣生相帶寒骨莫

怪儒冠誤此身草草百年如轉燭紛紛往事漫霑巾
子鶴人安往爲我招呼與結鄰

投贈佳篇近杜韓心傷耆宿苦凋殘惟餘里社陳人在博
得時人白眼看鮭有草蔬當饗碧杯饒村釀出芻寬如何
頓盡王猷興一逕褰裳秋露溥

遺意

不必爲詩逮古先草屨蛩脚自年年狂歌卽是今榮啟棲
道無須怪浩然幾陣橫斜雲際雁一杯潦倒甕中天適然
遺卻手中卷閒倚秋窗曝醉眠